

Broj: 01-4-TK- 3672 /25
Datum: 11. 06. 2025.

Na osnovu članova 69. i 106. Zakona o visokom obrazovanju Kantona Sarajevo (Službene novine Kantona Sarajevo broj: 36/22), članova 111. i 173. Statuta Univerziteta u Sarajevu, te članova 34-36. Pravila studiranja za I, II ciklus studija, integrirani, stručni i specijalistički studij na Univerzitetu u Sarajevu, Vijeće Univerziteta u Sarajevu - Medicinskog fakulteta na svojoj 9. redovnoj sjednici, održanoj 11. juna/lipnja. 2025. godine donosi

ODLUKU

O UTVRĐIVANJU KRITERIJA ZA RANGIRANJE KANDIDATA ZA UPIS U I GODINU INTEGRIRANOG STUDIJSKOG PROGRAMA „MEDICINA“ UNIVERZITETA U SARAJEVU - MEDICINSKOG FAKULTETA

I
Utvrđuju se predmeti značajni za studij Integriranog studijskog programa „Medicina“ na Univerziteta u Sarajevu - Medicinskom fakultetu kako slijedi:

1. Fizika
2. Biologija
3. Hemija
4. Maternji jezik

II

Prilikom bodovanja, kandidata u cjelosti će se provoditi Odluka Univerziteta u Sarajevu o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u akademskoj 2025/2026. godini. Prijemni ispit sastoji se iz testa iz oblasti Biologija, Hemija i Fizika. **Kandidat je položio prijemni ispit ukoliko je ostvario najmanje 50% bodova na cijelom testu, a pri tome niti iz jednog predmeta nema manje od 40% bodova. U suprotnom kandidat nije položio prijemni ispit.** Utvrđivanje pozicije kandidata na jedinstvenoj rang listi vrši se isključivo na osnovu ukupnog zbira bodova postignutog na prijemnom ispitu i bodova ostvarenih po kriterijima za rangiranje kako je navedeno u Konkursu (ulazni podaci). Pozicija kandidata na rang listi određuje status kandidata (budžet, samofinansirajući).

III

RANGIRANJE KANDIDATA ZA UPIS U PRVU GODINU STUDIJA NA MEDICINSKOM FAKULTETU VRŠIT ĆE SE NA OSNOVU:

1. OPĆEG USPJEHA
2. USPJEHA IZ PREDMETA MATERNJI JEZIK, BIOLOGIJA, FIZIKA I HEMIJA (SREDNJA ŠKOLA)
3. REZULTATA POSTIGNUTIH NA PRIJEMNOM ISPITU (TESTOVI IZ BIOLOGIJE, FIZIKE I HEMIJE)
4. REZULTATA OSTVARENIH NA TAKMIČENJIMA IZ PREDMETA RELEVANTNIH ZA STUDIJ MEDICINE (BIOLOGIJA, FIZIKA, HEMIJA, MATERNJI JEZIK)
5. ODLIČAN (5,0) USPJEH IZ SVIH NASTAVNIH PREDMETA I PRIMJERENO VLADANJE U TOKU CJelokUPNOG SREDNJOŠKOLSKOG OBRAZOVANJA
6. OSTALIH BODOVANJA DEFINIRANIH U ODLUCI UNSA ZA 2025/2026. GODINU
7. PRIORITETA IZBORA STUDIJSKOG PROGRAMA
8. REZULTATA EKSTERNE PROVJERE ZNANJA (u slučaju međunarodnih programa)

IV

/1/ Način bodovanja po osnovu općeg uspjeha određen je Odlukom o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u studijskoj 2025/2026. godini. Maksimalan broj bodova: 20

/2/ Način bodovanja po osnovu uspjeha iz značajnih predmeta za odgovarajući studijski program utvrđuje se tako da se prosječna ocjena iz grupe ovih predmeta zaokruži na dvije decimale i pomnoži sa 8.

Maksimalan broj bodova: 40

Spisak predmeta značajnih za studij medicine

1. Biologija
2. Fizika
3. Hemija
4. Maternji jezik (prema Odluci o kriterijima Univerziteta u Sarajevu)

/3/ Način bodovanja po osnovu uspjeha postignutnog na prijemnom ispitu određen je Odlukom o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u studijskoj 2025/2026. godini.

Spisak predmeta značajnih za studij medicine iz kojih se polaže prijemni ispit

1. Biologija
2. Fizika
3. Hemija

Maksimalan ukupan broj bodova: 40

/4 i 5/ Vrednovanje rezultata ostvarenih na takmičenjima iz predmeta relevantnih za studij i vrednovanje ODLIČANOG (5,0) USPJEHA IZ SVIH NASTAVNIH PREDMETA I PRIMJERENOG VLADANJA U TOKU CJELOKUPNOG SREDNJOŠKOLSKOG OBRAZOVANJA", određen je Odlukom o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u akademskoj 2025/2026. godini.

Kandidatima sa završenom srednjom školom u četvorogodišnjem trajanju po međunarodnim programima odobrenim od strane nadležnog ministarstva i koji su polagali (međunarodnu) eksternu maturu iz predmeta od značaja za studij u završnom razredu srednje škole dodjeljuju se dodatni bodovi za uspjeh na eksternoj maturi za svaki pojedinačni predmet po slijedećoj šemi:

- Ocjena A* ili A - 3 boda
- Ocjena B – 2 boda
- Ocjena C - 1 bod

V

Kandidate sa završenom srednjom školom po međunarodnim programima odobrenim od strane nadležnog ministarstva, a čiji se rezultati (međunarodne) eksterne provjere znanja objavljuju u avgustu ili septembru, organizaciona jedinica je dužna uključiti u postupak za upis i prije izdavanja dokaza o položenim ispitima eksterne provjere znanja.

Bodovanje uspjeha ovih kandidata se vrši na osnovu predviđenih ocjena (forecast grades) koji daju predmetni profesori, uz obavezu dostavljanja certifikata i/ili diplome prije početka studijske godine.

Ekvivalencija ocjena za kandidate sa završenim IB programom vršiće se u skladu sa Odlukom Ministarstva za obrazovanje, nauku i mlade Kantona Sarajevo.

Kandidati koji su srednju školu završili izvan Bosne i Hercegovine imaju pravo učešća na Konkursu i prije izvršenog priznavanja, odnosno ekvivalencije svjedočanstva o završenom srednjoškolskom obrazovanju u inostranstvu. Kandidatima kojima nije završen postupak ekvivalencije dužni su da prilože potvrdu o pokrenutom postupku ekvivalencije. Kandidat može uslovno upisati prvu studijsku godinu prije izvršene ekvivalencije svjedočanstva.

VI

Ova Odluka stupa na snagu danom donošenja.

Obrazloženje:

U skladu sa Konkursom za upis studenta u prvu godinu studija na Univerzitetu u Sarajevu i Odlukom o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u studijskoj 2025/2026. godini, Vijeće Fakulteta je donijelo odluku kao u dispozitivu.

Dostavljeno:

- ✓ Oglasna ploča
- ✓ Služba za nastavu
- ✓ Prodekan za nastavu
- ✓ a/a.



Sekretar Univerziteta u Sarajevu-Medicinskog fakulteta potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Vijeće Univerziteta u Sarajevu-Medicinskog fakulteta nadležno za donošenje iste shodno članu 69. Zakona o visokom obrazovanju („Službene novine Kantona Sarajevo“, broj 36/22).

Sekretar

Anis Krivić mr. 

Akt obradila: Taida Nakić, šef Službe za nastavu i studentska pitanja 

Akt kontrolisala: Amna Krilić, šef Službe za podršku NIR-u i tijelima Fakulteta 

Akt obobrio: Prof. dr. Almir Fajkić, Prodekan za nastavu 